

Ах тасхыл үсүтне сых килдім,
Ах талайларның таны саапча.
Көк талай үстүне көдірілім,
Көк талайларның чилі саапча.
Ах тасхылларны мин көріп,
Ах пазым тудып пазырдым.
Хыри көрінмес тайғаларға
Хыр пазым тудып пазырдым.
Ханым тасхылның үстүне сыхтым,
Чалбах тасха чағын одырдым,
Ныңмах тасха чөли одырдым,
Сағыснаң санап килдім,
Көгіснен күрес килдім,
Тасхыл пазында одырып,
Талай суғларға читіре сағындым.
Хас-хацаннаң, хара пуруннаң
Тасхыл пөзігі, талай чалбағы
Пір чурттығлар, пір түнүктіглер,
Пір күснен олар илбек турчалар.
Арланыс турған ах тасхыллар
Арон тағлардаң пасха тағлар.
Суғның чалбағы ағын суғлар
Ах тасхыллардаң аххлапчалар.
Ах талайларға кірчелер,
Ах талай күзі полчалар.
Ах талайлардаң ах тубан, көдіріліп,
Ах тасхыл пастарын ах хар тастапча.
Хасхай турған тасхылларым,
Көгерчеткен суғ чулларым,
Ынархазып чуртапчазар,
Чирнің үстүн чазапчазар,
Илге-чонға күс хосчазар.
Хадарған малның хағбазы полчазар,
Халых чонның чулазы полчазар.